



Broj: 06-1-07-1-1515/16  
Sarajevo, 29.12.2016. godine

Na osnovu člana 2.9 stav (1) tačka 9, a u vezi sa članom 13.10 i članom 13.5 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i Poglavlja VI. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14 i 90/16), Centralna izborna komisija Bosne i Hercegovine je na 99. sjednici, održanoj 29.12.2016. godine, donijela

## ODLUKU

### o utvrđivanju rezultata posrednih izbora i dodjeli mandata iz Općinskog vijeća Centar Sarajevo za Gradsko vijeće Grada Sarajeva

(1) Centralna izborna komisija Bosne i Hercegovine utvrđuje rezultate posrednih izbora za Gradsko vijeće Grada Sarajeva iz Općinskog vijeća Centar Sarajevo, kako slijedi:

1. kandidatska lista grupe vijećnika "Naša stranka-DF", osvojila je **pet (5)** glasova,
2. kandidatska lista grupa vijećnika -Katica Velija, osvojila je **pet (5)** glasova,
3. kandidatska lista grupa vijećnika -Sead Srna, osvojila je **pet (5)** glasova,
4. kandidatska lista grupe vijećnika Naša stranka/SDP, osvojila je **pet (5)** glasova,
5. kandidatska lista političke stranke Građanski savez, osvojila je **četiri (4)** glasa,
6. kandidatska lista grupa vijećnika -Tea Drekočić, osvojila je **četiri (4)** glasa,
7. kandidatska lista grupa vijećnika -Jusić Abid, osvojila je **tri (3)** glasa,
8. kandidatska lista političke stranke Naša stranka, nije osvojila **nijedan** glas.

(2) Centralna izborna komisija Bosne i Hercegovine dodjeljuje mandate u Gradskom vijeću Grada Sarajeva iz Općinskog vijeća Centar Sarajevo sljedećim vijećnicima:

1. Fazlić Samir - Bošnjak,
2. Katica Velija - Ostali,
3. Srna Sead - Bošnjak,
4. Uk Nihad - Ostali,
5. Grebović Nuko - Hrvat,
6. Drekočić Tea - Hrvatica i
7. Lazović Miro - Srbin.

## O b r a z l o ž e n j e

Općinsko vijeće Centar Sarajevo je dana 27.12.2016. godine Centralnoj izbornoj komisiji Bosne i Hercegovine dostavilo akt broj: 01/C-sl/16 od 27.12.2016. godine, te u prilogu istog cjelokupan materijal o provedenim posrednim izborima za Gradsko vijeće Grada Sarajeva, koji čine glasački listići, zapisnici i birački spisak.

U skladu sa članom 22. Statuta Grada Sarajeva („Službene novine Kantona Sarajevo“ br. 12/98, 14/98, 25/05, 23/08 i 32/08), svako općinsko vijeće vrši izbor po sedam (7) delegata u Gradsko vijeće.

U postupku izbora vijećnika za Gradsko vijeće Grada Sarajeva učestvovao je ukupno 31 vijećnik i imali su mogućnost dati glas za osam (8) prethodno potvrđenih i ovjerenih kandidatskih listi.

Na osnovu uvida u dostavljeni materijal utvrđeni su sljedeći rezultati:

1. kandidatska lista grupe vijećnika "Naša stranka-DF", osvojila je **pet (5)** glasova,
2. kandidatska lista grupa vijećnika -Katica Velija, osvojila je **pet (5)** glasova,
3. kandidatska lista grupa vijećnika -Sead Srna, osvojila je **pet (5)** glasova,
4. kandidatska lista grupe vijećnika Naša stranka/SDP, osvojila je **pet (5)** glasova,
5. kandidatska lista političke stranke Građanski savez, osvojila je **četiri (4)** glasa,
6. kandidatska lista grupa vijećnika -Tea Dreković, osvojila je **četiri (4)** glasa,
7. kandidatska lista grupa vijećnika -Jusić Abid, osvojila je **tri (3)** glasa,

Nadalje, odredbom člana 13.10 stav (2) Izbornog zakona Bosne i Hercegovine propisano je da se mandati za gradsko vijeće, odnosno skupštinu grada dodjeljuju kandidatskim listama po sistemu proporcionalne zastupljenosti političkih stranaka, koalicija, listi nezavisnih kandidata ili grupa članova, kao što je utvrđeno u članu 13.5 ovog Zakona. Raspodjela mandata među kandidatima sa iste liste vrši se prema redoslijedu na listi kandidata za ove izbore.

Imajući u vidu naprijed navedenu zakonsku odredbu, raspodjelom mandata za Gradsko vijeće Grada Sarajeva prema utvrđenim rezultatima iz stava (1) dispozitiva ove odluke, bili bi delegirani tri vijećnika iz reda Bošnjaka, dva iz reda Hrvata i dva iz reda Ostalih.

U skladu sa članom 23. stav (5) Statuta Grada Sarajeva, svako općinsko vijeće koje čini Grad Sarajevo delegira najmanje jednog kandidata iz reda konstitutivnog naroda. Općinsko vijeće Centar Sarajevo, među sedam izabranih gradskih vijećnika za Gradsko vijeće nije delegiralo najmanje jednog kandidata iz reda konstitutivnih naroda, **odnosno nije delegiran pripadnik iz reda srpskog naroda.**

Odredbama člana 23. stav (11) Statuta Grada Sarajevo propisano je da ukoliko se ovako provedenim izborima u općinskom vijeću za Gradsko vijeće među sedam izabranih gradskih vijećnika ne dobije minimalno potrebna zastupljenost vijećnika iz pojedinog konstitutivnog naroda, kako je to navedeno u stavu 5. ovog člana, umjesto izabranog vijećnika za Gradsko vijeće sa najmanjim količnikom iz reda naroda za koji je i bez tog vijećnika zadovoljena minimalna zastupljenost, delegira se općinski vijećnik pripadnik naroda koji nije zastupljen u potrebnom broju među delegatima iz tog općinskog vijeća, a koji je na kandidatskoj listi kojoj pripada sljedeći najveći količnik. Ukoliko na toj kandidatskoj listi nema kvalificiranog kandidata, utvrđuje se sljedeći najveći količnik i tako sve dok se ne dođe do kvalificiranog kandidata.

Na osnovu rezultata provedenih izbora utvrđeno je da kandidatska lista grupe vijećnika -Jusić Abid ima najmanji količnik **3.00**.

Nadalje, uvidom u ovjerene kandidatske liste utvrđeno je da samo kandidatska lista grupe vijećnika Naša stranka/SDP na poziciji pod rednim brojem 2 ima kandidata iz reda srpskog naroda.

Shodno naprijed navedenom, mandat u Gradskom vijeću Grada Sarajeva je dodijeljen nedostajućem kandidatu iz reda konstitutivnih naroda na poziciji pod rednim brojem **2 Lazović Miro – Srbin,** sa

kandidatske liste grupe vijećnika Naša stranka/SDP, umjesto kandidata na poziciji pod rednim brojem **1 Jusić Abid- Bošnjak**, sa kandidatske liste grupa vijećnika -Jusić Abid.

U skladu sa rezultatima koje je utvrdila Centralna izborna komisija Bosne i Hercegovine i naprijed navedenim odredbama, dodijeljeni su mandati vijećnicima u Gradskom vijeću Grada Sarajeva na način kako je to navedeno u stavu (2) dispozitiva ove odluke.

Ova odluka stupa na snagu danom donošenja i objavit će se dana 29.12.2016. godine u 16:00 sati na internet-stranici Centralne izborne komisije Bosne i Hercegovine [www.izbori.ba](http://www.izbori.ba) i smatrat će se da je danom objavljivanja ista dostavljena svim učesnicima u izbornom procesu.

**PRAVNA POUKA:** Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi putem Centralne izborne komisije Bosne i Hercegovine neposredno u sjedištu Centralne izborne komisije Bosne i Hercegovine, ulica Danijela Ozme broj 7, Sarajevo ili putem faks aparata na broj: 033/251-329.



Predsjednik

Dr. Ahmet Santić